

Dagiti Tip iti Panagsursuro iti Lengguahe


1 PANUNOTEM DAGITI RASON

"Ilistam dagiti rason no apay nga agsursuroka iti sabali a lengguahe, sa subliam dagita no kasla kayatmon ti agsardeng nga agsursuro."—Serina.

Ania a lengguahe ti kayatmo a sursuruen, ken apay?

Lengguahe:

Rason:




2 AGPATULONG


Siasino dagiti mabalinmo a pagpatulungan no marigatanka?

"Idi agsursuroak iti Spanish, agtitinnulongkami kadagiti padak nga agsursuro. Salsaludsodek no ania dagiti pakarigatanda ken no ania ti inaramidda tapno masolusionan dagita."—Helena.

"Saanka nga agbalin a nalaing iti maysa a lengguahe no saanmo a seriusuen nga adalen."—Christopher.



3 LABANAM TI PANNAKAUPAY



*"Itatta, panagriknam, ekspertokan iti lengguahe nga ad-adalem, ngem madamdama, panagriknam, kasla awanen ti ammom iti dayta!"
—Vivian.*

Ania dagiti simple a kalat a nalakam laeng
a maaramid ken makatulong tapno saanka
a maupay?

"Dika maupay no naparpartak nga agsursuro ti dadduma. Agduduma ti abilidad dagiti tattao."—Thomas.

4 INALDAW NGA AGPRAKTIS

"No talaga a porsegidoka, naparpartakka a makasursuro. Ngem no saanka unay nga agporporsegi, nabaybayagka a makasursuro."—Danielle.

Isuratmo no mano nga oras iti
kada aldaw ti mabalinmo nga
usaren iti panagsursuro iti sabali
a lengguahe.

Lunes	Martes	Miercoles	Huebes	Biernes	Sabado	Domingo

5 ADALEM TI KULTURA

“Ad-adalek ti maipapan kadagiti tattao nga agsasao iti lengguahe a kayatko a masursuro. Ob-observerarak ida, ramramanak dagiti kaykayatda a kanen, ken dengdenggek dagiti musikada. Saan laeng a ti lengguahe ti masapul a sursuruem no agsursuroka iti lengguahe!”—Alexis.

Ania ti aramidem tapno masursurom ti kultura dagiti agsasao iti lengguahe a kayatmo a sursuruen?

6 BISITAEM TI PAGILIAN

“Nagyankami idia Chile iti walo a bulan, ket alisto a nasursuromi ti Spanish ta agmalmalem a mangmangnegmi.”—Natasha.

Markaam ti pagilian a kayatmo a bisitaen.



Makapanka man iti sabali a pagilian wenno saan, sadino ti *mabalinmo* a papanan nga ayan dagiti agsasao iti lengguahe a kayatmo a sursuruen?

“Iwayaam ti agbasa, agsurat, agsao, ken agdengneg. Tapno agbalinka a nalaing iti maysa a lengguahe, masapul nga aramidem amin dagita.”—Allison.